

**ZAPISNIK**  
**O RADU DRUGE HITNE SJEDNICE SKUPŠTINE KANTONA SARAJEVO ODRŽANE**  
**29.03.2024.GODINE SA POČETKOM RADA U 09,30 SATI**

Drugu hitnu sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici su prilikom otvaranja prisustvovali 21 zastupnik i zastupnica, dok su se ostali priključili tokom sjednice, kako slijedi:

**SDA - STRANKA DEMOKRATSKE AKCIJE**

1. Dević Mahir
2. Izetbegović Sebija
3. Kalem Adi
4. Kapidžić Faruk
5. Selmanović Faruk
6. Viteškić Smiljana
7. Zahiragić Haris

**POLITIČKA ORGANIZACIJA "NAROD I PRAVDA"**

1. Čampara Aljoša
2. Kristić Danijela
3. Mehmedagić Mersiha
4. Memić Arijana
5. Okerić Elvedin
6. Pobrić Rusmir
7. Vreto Elvis

**SOCIJALDEMOKRATSKA PARTIJA BOSNE I HERCEGOVINE**

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina
6. Vikić Musić Vedrana

**POLITIČKA ORGANIZACIJA GRAĐANA "NAŠA STRANKA"**

1. Bešlija Vildana
2. Handžić Vibor
3. Klarić Sanela
4. Melank Miomirka

**STRANKA ZA BOSNU I HERCEGOVINU**

1. Bandić Muamer
2. Gavrankapetanović-Smailbegović Fatima
3. Šaljić Jasmin

**DEMOKRATSKA FRONTA**

1. Hašimbegović Marijela
2. Pilav Ilijaz
3. Vujović Vedrana

#### 4. Zuhrić Albin

### **SAMOSTALNI ZASTUPNICI**

1. Gaković Elza
2. Hodžić Admela
3. Lemezan Redžo

Izostanak sa ove sjednice nije pravdao niko od zastupnika, dok je kašnjenje najavila zastupnica Belma Kapo. Sjednici nije prisustvovao zastupnik Damir Marjanović.

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutnim u sali, kao i predstavnicima medija koji prate rad sjednice.

Predsjedavajući je podsjetio prisutne da je Kolegij Skupštine Kantona Sarajevo na sjednici održanoj dana 19.03.2024 godine, u skladu sa članom 65. i 71. Poslovnika Skupštine Kantona Sarajevo utvrdio termin održavanja 2. Hitne sjednici za dan 29. 03.2024.godine u 09,00 i 30 sati, a dnevni red za ovu sjednicu će se utvrditi na samoj sjednici. Također je naveo da su, u skladu sa Zaključkom Kolegija Skupštine Kantona Sarajevo broj 01-04-244/ 24 od 19.03.2024. godine, za današnju sjednicu dostavljane informacije resornih ministarstava u Vladi Kantona Sarajevo, Kantonalnog i Općinskog suda u Sarajevu i Komisije za sigurnost Skupštine Kantona Sarajevo.

Obzirom da nije bilo dodatnih prijedloga za dopunu dnevnog reda, predsjedavajući je na osnovu dostavljenih materijala predložio dnevni red, te pozvao zastupnike da se izjasne o istom.

*Na osnovu rezultata glasanja, predsjedavajući je konstatovao da je Dnevni red za Drugu hitnu sjednicu Skupštine Kantona Sarajevo usvojen jednoglasno (s 22 glasa „za“), i isti glasi:*

1. Informacije sačinjene u skladu sa Zaključkom Kolegija Skupštine Kantona Sarajevo broj: 01-04-244/24 od 19.03.2024. godine, i to: Informacija o poduzetim aktivnostima ministra unutrašnjih poslova Kantona Sarajevo i planiranim projektima, Informacija Ministarstva unutrašnjih poslova Kantona Sarajevo-Uprave policije, Informacija Ministarstva za nauku, visoko obrazovanje i mlade Kantona Sarajevo, Informacija Ministarstva za rad, socijalnu politiku, raseljena lica i izbjeglice Kantona Sarajevo, Informacija Ministarstva za odgoj i obrazovanje Kantona Sarajevo, Informacija Kantonalnog tužilaštva Kantona Sarajevo, Informacije Kantonalnog suda u Sarajevu, Općinskog suda u Sarajevu i prijedlog mjera Ministarstva pravde i uprave Kantona Sarajevo i Informacija Komisije za sigurnost Skupštine Kantona Sarajevo.

### **TOK SJEDNICE**

Realizacija prve tačke dnevnog reda.

#### **AD – 1.**

**INFORMACIJE SAČINJENE U SKLADU SA ZAKLJUČKOM KOLEGIJA SKUPŠTINE KANTONA SARAJEVO BROJ: 01-04-244/24 OD 19.03.2024. GODINE**

Predsjedavajući je otvorio tačku i dao riječ uvodničarima.

Prvo se obratio ministar unutrašnjih poslova, *Admir Katica*, zatim komesar Uprave policije MUP-a KS, *Fatmir Hajdarević*, ministrica za nauku, visoko obrazovanje i mlade, *Adna Mesihović*, pomoćnik ministrice u Ministarstvu za rad i socijalnu politiku, *Miralem Dedović*, ministrica odgoja i obrazovanja, *Naida Hota-Muminović*, ministrica pravde i uprave, *Darja Softić-Kadenić*, predsjednik Komisije za sigurnost Skupštine KS, *Elvedin Okerić*, predsjednica Komisije za jednakopravnost spolova Skupštine KS, *Vildana Bešlija*.

Pitanja za uvodničare su imali zastupnici: *Mahir Dević*, *Aljoša Čampara*, *Vedrana Vikić Musić*, *Danijela Kristić*, *Jasmin Šaljić*, *Faruk Selmanović*, *Arijana Memić*, *Adi Kalem*, *Marijela Hašimbegović*, *Admela Hodžić*, *Belma Kapo*, *Vedrana Vujović*, *Muamer Bandić*, *Samir Avdić*, *Smiljana Viteškić*, *Sebija Izetbegović*, *Faruk Kapidžić*, *Haris Zahiragić*, *Fatima Gavrankapetanović-Smailbegović* i *Elvedin Okerić*.

Predsjedavajući je na kraju konstatovao da nema više prijavljenih za postavljanje pitanja uvodničarima, te kako se bližilo vrijeme iftara, zaključio rad na sjednici.

Broj: 01-04-14398/24  
29.03.2024.godine  
SARAJEVO

Zapisnik izradila:  
Lejla Kadrić

**SEKRETAR**  
**SKUPŠTINE KANTONA SARAJEVO**  
**Aida Zeković**

**PREDSJEDAVAJUĆI**  
**SKUPŠTINE KANTONA SARAJEVO**  
**Elvedin Okerić**

**ZAPISNIK**  
**O RADU PRVOG NASTAVKA 2. HITNE SJEDNICE SKUPŠTINE KANTONA SARAJEVO ODRŽANE 04.04.2024.GODINE SA POČETKOM RADA U 09,30 SATI**

Prvi nastavak 2. Hitne sjednice Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici su prilikom otvaranja prisustvovali 23 zastupnice i zastupnika. Izostanak sa sjednice opravdale su zastupnice Sebiya Izetbegović i Danijela Kristić. Kašnjenje je najavila zastupnica Vedrana Vikić Musić.

Sjednici nisu prisustvovali zastupnici: Klarić Sanela, Damir Marjanović i Ilijaz Pilav.

U skladu s naprijed navedenim, prisustvo zastupnika Prvom nastavku 2. Hitne sjednice je bilo sljedeće:

**SDA - STRANKA DEMOKRATSKE AKCIJE**

1. Dević Mahir
2. Kalem Adi
3. Kapidžić Faruk
4. Selmanović Faruk
5. Viteškić Smiljana
6. Zahiragić Haris

**POLITIČKA ORGANIZACIJA "NAROD I PRAVDA"**

1. Čampara Aljoša
2. Mehmedagić Mersiha
3. Memić Arijana
4. Okerić Elvedin
5. Pabrić Rusmir
6. Vreto Elvis

**SOCIJALDEMOKRATSKA PARTIJA BOSNE I HERCEGOVINE**

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina

**POLITIČKA ORGANIZACIJA GRAĐANA "NAŠA STRANKA"**

1. Bešlija Vildana
2. Handžić Vibor
3. Melank Miomirka

**STRANKA ZA BOSNU I HERCEGOVINU**

1. Bandić Muamer
2. Gavrankapetanović- Smailbegović Fatima
3. Šaljić Jasmin

**DEMOKRATSKA FRONTA**

1. Hašimbegović Marijela
2. Vujović Vedrana
3. Zuhrić Albin

## **SAMOSTALNI ZASTUPNICI**

1. Gaković Elza
2. Hodžić Admela
3. Lemezani Redžo

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutnim u sali, kao i predstavnicima medija koji prate rad sjednice.

Predsjedavajući je podsjetio zastupnike da su na prethodnom zasjedanju predstavnici nadležnih institucija i resornih ministarstava podnijeli uvodna izlaganja, zastupnici postavili pitanja i da je na redu davanje odgovora, te je zamolio da predstavnici institucija daju odgovore istim onim redom kojim su podnosili i uvodna izlaganja.

Odgovore zastupnicima su ponudili ministar *Admir Katica*, komesar *Fatmir Hajdarević*, ministrica *Enda Pavić Pečenković*, sekretar Ministarstva pravde i uprave, *Indira Šulović*.

*Nakon što je zaključeno davanje odgovora zastupnicima, predsjedavajući je predložio pauzu u trajanju od 75 minuta, što su zastupnici jednoglasno podržali. (s 21 glas „za“).*

## **NASTAVAK NAKON PAUZE**

U nastavku nakon pauze, predsjedavajući je uputio izvinjenje što nije odgovorio zastupniku Bandiću na postavljeno pitanje, te je ponudio odgovor.

Zatim je otvorio diskusiju u kojoj su učešće uzeli sljedeći zastupnici: *Muamer Bandić, Aljoša Čampara, Mahir Dević, Marijela Hašimbegović, Belma Kapo, Jasmin Šaljić, Redžo Lemezani, Admela Hodžić, Elza Gaković, Faruk Selmanović.*

Međusobno su replicirali zastupnici: *Muamer Bandić – Elvedin Okerić, Mersiha Mehmedagić-Muamer Bandić, Jelena Pekić – Muamer Bandić, Haris Zahiragić – Jelena Pekić, Davor Čičić – Haris Zahiragić, Muamer Bandić – Aljoša Čampara, Mahir Dević – Aljoša Čampara.*

Zastupnik *Mahir Dević* je poslovničkom intervencijom tražio da se zasjedanje privede kraju obzirom da nisu iscrpljene sve diskusije a bliži se vrijeme iftara.

Predsjedavajući je uvažio prijedlog zastupnika Devića i prekinuo rad na Prvom nastavku 2. Hitne sjednice Skupštine Kantona Sarajevo.

Broj: 01-04-14398/24  
04.04.2024.godine  
SARAJEVO

Zapisnik izradila:  
Lejla Kadrić

**SEKRETAR**  
**SKUPŠTINE KANTONA SARAJEVO**  
**Aida Zeković**

**PREDsjedavajući**  
**SKUPŠTINE KANTONA SARAJEVO**  
**Elvedin Okerić**

**ZAPISNIK**  
**O RADU DRUGOG NASTAVKA 2. HITNE SJEDNICE SKUPŠTINE KANTONA SARAJEVO ODRŽANE 08.04.2024.GODINE SA POČETKOM RADA U 10,00 SATI**

Drugi nastavak 2. Hitne sjednice Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici su prilikom otvaranja prisustvovali 24 zastupnice i zastupnika, dok su se ostali pridružili u nastavku.

Izostanak sa sjednice pravdao je zastupnik Mahir Dević, a kašnjenje su najavili zastupnici Faruk Selmanović i zastupnica Admela Hodžić.

Sjednici nisu prisustvovali zastupnici Sebija Izetbegović i Ilijaz Pilav.

U skladu s naprijed iznesenim, prisustvo zastupnika Drugom nastavku 2.Hitne sjednice je bilo sljedeće:

**SDA - STRANKA DEMOKRATSKE AKCIJE**

1. Kalem Adi
2. Kapidžić Faruk
3. Selmanović Faruk
4. Viteškić Smiljana
5. Zahiragić Haris

**POLITIČKA ORGANIZACIJA "NAROD I PRAVDA"**

1. Čampara Aljoša
2. Kristić Danijela
3. Mehmedagić Mersiha
4. Memić Arijana
5. Okerić Elvedin
6. Pobrić Rusmir
7. Vreto Elvis

**SOCIJALDEMOKRATSKA PARTIJA BOSNE I HERCEGOVINE**

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina

**POLITIČKA ORGANIZACIJA GRAĐANA "NAŠA STRANKA"**

1. Bešlija Vildana
2. Handžić Vibor
3. Klarić Sanela
4. Melank Miomirka

**STRANKA ZA BOSNU I HERCEGOVINU**

1. Bandić Muamer
2. Gavrankapetanović-Smailbegović Fatima
3. Šaljić Jasmin

## **DEMOKRATSKA FRONTA**

1. Hašimbegović Marijela
2. Vujović Vedrana
3. Zuhrić Albin

## **POLITIČKA ORGANIZACIJA/INICIJATIVA “ZA NOVE GENERACIJE”**

1. Marjanović Damir

## **SAMOSTALNI ZASTUPNICI**

1. Gaković Elza
2. Hodžić Admela
3. Lemezani Redžo

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutnim u sali, kao i predstavnicima medija koji prate rad sjednice.

Predsjedavajući je podsjetio zastupnike da je na prethodnom zasjedanju sjednica prekinuta u toku diskusija, te da je sekretar Skupštine zapisala redoslijed prijavljenih zastupnika tada, tako da je predložio da tim redoslijedom zastupnici i diskutuju.

U nastavku diskusija riječ su uzeli zastupnici: *Mersiha Mehmedagić, Jelena Pekić, Davor Čičić, Arijana Memić, Muamer Bandić, Adi Kalem, Vedrana Vujović, Miomirka Melank, Rusmir Pabrić, Samir Avdić, Vedrana Vikić Musić, Faruk Kapidžić, Smiljana Viteškić, Haris Zahiragić, Faruk Selmanović i Vildana Bešlija.*

Replicirali su zastupnici: *Muamer Bandić, Mersiha Mehmedagić – Vedrana Vujović, Aljoša Čampara, Muamer Bandić-Vedrana Vujović, Jasmin Šaljić- Samir Avdić, Muamer Bandić-Vedrana Vikić Musić, Muamer Bandić – Mersiha Mehmedagić, Aljoša Čampara – Mersiha Mehmedagić, Elza Gaković – Jelena Pekić, Mersiha Mehmedagić – Jelena Pekić, Haris Zahiragić – Vildana Bešlija.*

Ispravku krivog navoda imali su zastupnici: *Samir Avdić, Faruk Kapidžić, Haris Zahiragić.*

U međuvremenu, predsjedavanje sjednicom nakratko je preuzela dopredsjedavajuća Jelena Pekić, koja je nakon zaključivanja diskusija, predložila da se održi duža pauza kako bi se imalo vremena izanalizirati, uporediti i uobličiti veliki broj pristiglih prijedloga zaključaka.

*Nakon glasanja, dopredsjedavajuća Jelena Pekić je konstatovala da je Skupština većinom glasova podržala da se pauza održi do 15,30 sati. (s 18 glasova „za“ i 5 glasova „protiv“).*

## **NASTAVAK NAKON PAUZE**

U nastavku nakon pauze, predsjedavajući je obrazložio da je došlo nekoliko prijedloga zaključaka istovjetnih od različitih predlagača, tako da su isti inkorporirani u jedan zaključak, te da će zaključke čitati i o svakom će zastupnici da se izjasne posebno.

*Prvo je predložio zaključke zastupnika Aljoša Čampare i Elvedina Okerića, koji su usvojeni većinom glasova (s 22 glasa „za“, 1 glas „protiv“ i 5 „suzdržanih“ glasova), i isti glase:*

1. Zadužuje se Ministarstvo unutrašnjih poslova Kantona Sarajevo i Uprava policije Ministarstva unutrašnjih poslova Kantona Sarajevo za vršenje pojačanih preventivnih i represivnih mjera koje se ogledaju u sljedećem:
  - povećan broj policijskih službenika na terenu kroz angažman patrolnih službi i saradnje sa lokalnom zajednicom, kao i da se osigura njihovo prisustvo u blizini škola, prometnih raskrsnica te drugih sigurnosno interesantnih objekata;
  - povećan broj mobilnih radara;
  - pojačan rad Jedinice interventne policije i Jedinice za bezbjednost saobraćaja na terenu,
  - pojačan rad vozilima "presretačima“;
  - povećan broj patrola u periodu od 19 sati do 7 sati ujutro na najfrekventnijim raskrsnicama u gradu;
  - nastavak primjene Smjernica o poboljšanju sigurnosti u saobraćaju u Kantonu Sarajevo i implementaciji Akcionog plana za prevenciju krađe putničkih motornih vozila koji podrazumijeva i postavljanje video nadzora, te prevencija povreda u saobraćaju.
2. Komisija za sigurnost Skupštine Kantona Sarajevo je izrazila neupitnu i punu podršku Ministarstvu unutrašnjih poslova i Upravi policije, s obzirom na složenost sigurnosne problematike cijeni da je i dalje neophodno, u skladu sa Zaključcima Skupštine Kantona Sarajevo iz juna 2023. godine:
  1. nastaviti multisektorske aktivnosti na borbi protiv maloljetničke delinkvencije i aktivnosti utvrđene Strategijom i Akcionim planom za sprječavanje i suzbijanje zloupotrebe opojnih droga u Kantonu Sarajevo (KS);
  2. provoditi aktivnosti na borbi protiv saobraćajne delinkvencije kroz primjenu mjera i aktivnosti utvrđenih u Smjernicama za poboljšanje sigurnosti saobraćaja u KS;
  3. provoditi Plan pojačanih aktivnosti policijskih službenika Sektora za policijsku podršku s ciljem smanjenja kriminaliteta i pronalaska predmeta koji potiču iz krivičnih djela (02/4-0-4-3-09/24 od 30.01.2024. godine), a koji se odnosi na pojačano prisustvo timova policijskih službenika, u večernjim i noćnim satima, na ulicama i drugim javnim prostorima u Kantonu Sarajevo;
  4. provoditi Plan postupanja policijskih službenika „Ulični trkač“ (02/2-6-03-3-683/23) koji se odnosi na smanjenje pojavnih oblika ugrožavanja javnog saobraćaja od tzv. „uličnih trkača“;
  5. provoditi Plan postupanja policijskih službenika „Brzina“ (02/2-6-03-3-1747/23) koji se odnosi na prekoračenje dozvoljene brzine kretanja motornih vozila;
  6. intenzivirati i po potrebi ažurirati postojeće planske aktivnosti koje se odnose na preveniranje i suzbijanje krivičnih djela i prekršaja s elementima nasilja;
  7. Nastaviti postojeće aktivnosti koje se odnose na planiranje i realizaciju operativno-taktičkih akcija koje se odnose na krivična djela neovlaštenog prometa opojnim drogama, nedozvoljenog držanja oružja ili eksplozivnih materija i razbojništva;
  8. Nastaviti procese nabavke neophodnih materijalno-tehničkih sredstava za efikasniji rad policijskih službenika.
3. Shodno stanju popune sastava policije, policijske sastave maksimalno angažovati u provođenju proaktivne preventivne djelatnosti kroz razgovore sa lokalnim stanovništvom i pojačanim



prisustvom na kritičnim mjestima. Također, zadužuje se MUP Kantona Sarajevo da odmah prema Vladi Kantona Sarajevo uputi inicijativu za prijem novih, a prema pravilniku o sistematizaciji nedostajućih policajaca.

4. Potrebno je prema Vladi Federacije BiH i Federalnom ministarstvu unutrašnjih poslova uputiti inicijativu za povećanje smještajnih kapaciteta u Policijskoj akademiji kako se ne bi dugo čekalo na pohađanje potrebnih kurseva i obuka, a što je uslov za prijem novih policajaca, kao i sagledati zakonske mogućnosti uspostave srednje škole unutrašnjih poslova na nivou Federacije BiH.
5. Obavezuje se Uprava policije MUP-a Kantona Sarajevo da pokrene aktivnosti s ciljem uvođenja videonadzora javnih prostora na području Kantona Sarajevo, shodno sigurnosnim procjenama kojima raspolažu, kako bi se stepen sigurnosti građana podigao na viši nivo.
6. Obavezuje se Uprava policije MUP-a Kantona Sarajevo da blagovremeno informiše javnost o svim sigurnosnim događajima, ne ugrožavajući operativni interes i elemente koji mogu kompromitovati dalje istražne aktivnosti, kako bi građani imali informaciju iz pravog izvora, a neodgovorni pojedinci ne bi imali mogućnost da poluinformacijama dezinformišu građane.
7. Obavezuje se Uprava policije MUP-a Kantona Sarajevo da aktivno prati i preduzima potrebne aktivnosti, a koje se odnose na praćenje migrantske situacije na području Kantona Sarajevo iz svih sigurnosnih aspekata.
8. Zadužuju se MUP Kantona Sarajevo i Uprava policije da u skladu sa postojećim Protokolom o međusobnoj saradnji i pružanju pomoći, redovno održavaju saradnju sa svim sigurnosnim subjektima relevantnim za sigurnost na području Kantona Sarajevo.
9. Zadužuje se Ministarstvo pravde Kantona Sarajevo da provjeri zakonske mogućnosti vezano za uspostavu javnog registra kažnjenih lica, po osnovu višestrukih povratnika činjenja prekršaja iz oblasti saobraćaja, javnog reda i mira i registra stanodavaca i zakupaca u Kantonu Sarajevo.
8. Zadužuje se Uprava policije MUP-a Kantona Sarajevo, da u narednom periodu pokrene aktivnosti i izvrši sistematske preglede svih policijskih službenika, te da u skladu sa zakonskim odredbama izvrši odabir institucija za obavljanje te aktivnosti.
9. Zadužuje se Ministarstvo unutrašnjih poslova Kantona Sarajevo i Uprava policije Kantona Sarajevo, da izvrši sveobuhvatnu analizu dosadašnje primjene Zakona o unutrašnjim poslovima Kantona Sarajevo i Zakona o policijskim službenicima Kantona Sarajevo, kao i podzakonskih propisa koji proizilaze iz navedenih zakona, te nakon provedene analize predloži izmjene i dopune predmetnih zakona, kao i druge uočene nedostatke u dosadašnjoj primjeni navedenih propisa, a sve u cilju što boljeg, efikasnijeg i funkcionalnijeg rada Uprave policije i Ministarstva unutrašnjih poslova Kantona Sarajevo.
10. Zadužuje se Uprava policije MUP-a Kantona Sarajevo da odmah inicira izmjene i dopune Zakona o osnovama bezbjednosti saobraćaja na putevima u BiH, Zakona o prekršajima F BiH, te da inicira potpisivanje memoranduma o saradnji s Poreznom upravom F BiH, s ciljem prinudne naplate neplaćenih kazni po osnovu prekršajnih naloga i oduzimanja vozila.
11. Zadužuje se Uprava policije MUP-a Kantona Sarajevo, da u saradnji sa Državnim sigurnosnim organom Ministarstva sigurnosti BiH, intenzivira aktivnosti na uspostavi sigurnosnog područja, a u skladu sa Zakonom o zaštiti tajnih podataka BiH.

*Potom je predsjedavajući predložio Zaključak zastupnica Kristić Danijele i Kapo Belme, koji je većinom glasova usvojen (s 22 glasa „za“, 3 glasa „protiv“ i 2 „suzdržana glasa), i glasi:*

1. Zadužuju se Vlada Kantona Sarajevo i resorno ministarstvo da pripreme izmjene Zakona o izmjenama i dopunama Zakona o nabavljanju, držanju i nošenju oružja i municije tako da se vrši izmjena člana 74. stav 1. Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18 , 13/18 i 30/19 ) da glasi:

„član 74. (Krivična djela)

(1) Kaznom zatvora od tri godine do pet godina kaznit će se za krivično djelo:

- a. ko bez odobrenja nabavi, drži ili nosi vatreno oružje kategorije B (čl. 10. i 20. ovog zakona), izuzev pravnih lica kada nabavljaju oružje kategorije B na osnovu člana 28. stav (4) ovog zakona,
- b. ko proda vatreno oružje kategorije B pravnom licu, poduzetniku ili fizičkom licu koji nemaju odobrenje za nabavljanje te vrste oružja (čl. 28. stav (4) i 61. stav (1), tačka a) ovog zakona), izuzev kada se vatreno oružje kategorije B prodaje pravnim licima na osnovu člana 28. stav (4) ovog zakona,
- c. ko drugom da pištolj ili revolver na posluhu (član 40. stav (1) ovog zakona) ili ko da na posluhu lovačko oružje ili sportsko vatreno oružje licu koje za tu vrstu oružja nema oružni list (član 40. stav (2) ovog zakona) i

(2) Za krivična djela iz stava (1) ovog člana obavezno se izriče i zaštitna mjera oduzimanja oružja.

(3) U izvršenju zaštitne mjere iz stava (2) ovog člana za krivično djelo iz stava (1) tač. b) i c) ovog člana oduzima se oružni list, odnosno odobrenje za držanje oružja.”

*Zatim su zastupnici većinom glasova usvojili zaključke Kluba Naše stranke (s 24 glasa „za“ i 3 „suzdržana“ glasa), i isti glase:*

1. Inicirati izmjenu zakonskih okvira na nivou Federacije BiH, tačnije Zakona o zaštiti od nasilja u porodici, kao i Krivičnog zakona i dalje ostaje imperativ, kako bi svi u lancu zaštite, preveniranja i izricanja kazni u slučajevima porodičnog nasilja imali bolje alate i rezultate u borbi protiv ovih krivičnih djela.
2. U svrhu procjene rizika od nasilja i nasilja u porodici neophodno je unaprijediti institucionalnu koordinaciju međusobne razmjene podataka, iskustava i planova svih institucija i ustanova u sistemu.
3. Uzimajući u obzir da su u velikom broju počinioci nasilja i nasilja u porodici povratnici u kazneno djelo, neophodno je uvođenje obavezne kontrole i praćenja psiho-socijalnog tretmana počinioca nasilja.
4. S obzirom da je nasilje u porodici istovremeno i nasilje na maloljetnom djecom, nužno je osim izrečenih zaštitnih mjera direktno žrtvi nasilja, izdati zaštitu i njihovoj maloljetnoj djeci, na vremenski period koji se može smatrati rizičnim kako za žrtvu, tako i za dijete.
5. Pojačati kadrovsko i materijalno kapacitiranje Centra za socijalni rad, Porodičnog savjetovališta u svrhu pojačanog terapeutsko-savjetodavnog rada i psiho-ekonomskog osnaživanja žrtava nasilja, te ponovno uvođenje grupa samopomoći gdje su ciljne skupine vršioci nasilja.
6. Dodatno kapacitiranje stručnih timova u osnovnim i srednjim školama sa socijalnim radnicima, kako bi se ojačali i dodatno doprinijeli preventivnom djelovanju.

7. Potrebno je djelovanje i rezultate učiniti vidljivijim javnosti, kreirati i održavati medijski fokus i promovisati jasno precizirane sve korake koji žrtvi stoje na raspolaganju u svrhu njene zaštite i daljeg tretiranja kako bi se žrtve dodatno ohrabrile, prijavile nasilje te pomogle u njegovom daljem sprečavanju.

*Zastupnici su jednoglasno podržali Zaključak zastupnice Jelene Pekić (s 23 glasa „za“), i isti glasi:*

„Predlaže se Upravi policije da u vezi sa postojećim sigurnosnim izazovima u Kantonu Sarajevo, Federaciji BiH i Bosni i Hercegovini, prilikom nabavke opreme/robe, a za koju postoje sigurnosne potrebe da se označe stepenom tajnosti, primjenjuju odredbe Zakona o javnim nabavkama ("Službeni glasnik Bosne i Hercegovine", br. 39/2014 i 59/2022) kojima se propisuje izuzeće u skladu sa čl. 10d., 10e. i 10f. Zakona, odnosno odredbe Zakona o zaštiti tajnih podataka ("Službeni glasnik BiH", broj 54/05, 12/09) i Pravilnika o industrijskoj sigurnosti ("Službeni glasnik BiH", broj 55/17)“.

*Nakon izjašnjavanja, konstatovano je da su Zaključci Kluba SDP većinom glasova usvojeni (s 25 glasova "za" i 3 "suzdržana" glasa), i isti glase:*

1. Poziva se Kantonalno tužilaštvo Kantona Sarajevo da preispita politiku krivičnog gonjenja prema počiniocima krivičnih djela protiv života i tijela, zdravlja ljudi (krivična djela u vezi s opojnim drogama) te sigurnosti saobraćaja, posebno u pogledu sporazuma o prihvatanju krivnje, predlaganja kazni te zastarjevanja krivičnog gonjenja.
2. Poziva se Općinski sud Sarajevo i Kantonalni sud u Sarajevu, da u okviru svojih nadležnosti preispita kaznenu politiku i u kojoj mjeri je u skladu s odredbom Krivičnog zakona FBiH o svrsi kažnjavanja, u smislu generalne i specijalne prevencije kada su u pitanju krivična djela protiv života i tijela, zdravlja ljudi (krivična djela u vezi s opojnim drogama) te bezbjednosti saobraćaja i nelegalnog posjedovanja i trgovine oružjem.
3. Poziva se VSTV za pojačani nadzor i kontrolu pravosudnih tijela u Kantonu Sarajevo u pogledu efektivnosti i efikasnosti radnji, mjera i odluka koje provode i donose.
4. Poziva se Ministarstvo unutrašnjih poslova i Uprava policije da odmah pokrene izradu dugoročnog plana aktivnosti na sprječavanju i suzbijanju najtežih oblika krivičnih djela a posebno krivičnih djela protiv života i tijela, zdravlja ljudi (krivična djela u vezi s opojnim drogama) te bezbjednosti saobraćaja, uz ojačavanje kapaciteta u Kantonu Sarajevu za analitičko praćenje ovih oblika kriminalnog ponašanja.
5. Predlaže se Vladi Kantona Sarajevo da razmotri prijedlog formiranja interresornog tima koji bi trebao da izvrši analizu, te dostavi prijedlog koji će obuhvatiti kratkoročne i dugoročne mjere u cilju poboljšanja sigurnosti svih građana u KS sa konkretnim prijedlozima za izmjene zakonskih regulativa.
6. Prijedlog članova stručnog tima bi bili predstavnici iz sljedećih institucija (uz mogućnost dodatnih članova ako se uoči potreba):
  - a. Ministarstvo unutrašnjih poslova,
  - b. Uprava policije MUP-a stručni kadar iz policijskih struktura KS i FMUP-a, policijske akademije i Fakulteta kriminalističkih nauka,
  - c. Tužilaštvo KS,
  - d. Kantonalni sud u Sarajevu/Općinski sud u Sarajevu,
  - e. Zavod za bolesti ovisnosti KS,
  - f. Ministarstvo za odgoj i obrazovanje KS,
  - g. Ministarstvo za nauku, visoko obrazovanje i mlade u KS,
  - h. Ministarstvo saobraćaja KS,
  - i. Pravnog fakulteta, fakultet za saobraćaja i filozofskog fakulteta – psiholozi,
  - j. FMUP-a, stručni kadar iz policijske akademije.

7. Preispitati broj policijskih službenika u Kantonu Sarajevo prema važećem Pravilniku o unutrašnjoj organizaciji i sistematizaciji radnih mjesta MUP-a Kantona Sarajevo, te odrediti njihov optimalan broj u skladu sa potrebama i sigurnosnim izazovima, te sagledati stvarne potrebe kada su u pitanju materijalno-tehničkih sredstava vezano za uspješan rad Kantonalne policije, naročito naglasak staviti na jačanje i kapacitiranja odjela za cyber kriminal kao i vraćanje psihologa u policijske strukture i dostaviti informaciju na Skupštinu Kantona Sarajevo u što kraćem roku.
8. Uspostaviti sistem koji će omogućiti permanentno usavršavanje i osposobljavanje policijskih službenika kroz različite razmjene iskustva sa policijskih tijelima zemalja EU i šire putem specijaliziranih obuka, treninga, sticanja novih taktika, upoznavanje sa novim materijalno-tehničkim sredstvima kako policajaca tako i rukovodnog kadra, te osigurati potrebna finansijska sredstva za realizaciju navedenog.
9. Unutar Uprave policije formirati odjeljenje koje će se baviti operativnom analitikom i prevencijom krivičnih djela u Kantonu Sarajevo.

*Nakon izjašnjavanja, predsjedavajući je konstatovao da je Zaključak zastupnika Aljoša Čampare usvojen jednoglasno (s 27 glasova "za"), i isti glasi:*

„Zadužuje se Kolegij Skupštine Kantona Sarajevo, da na osnovu dostavljenih informacija iz segmenta sigurnosti, razmatra potrebe održavanja tematskih i hitnih sjednica Skupštine Kantona Sarajevo“.

Na zahtjev Kluba Stranke za Bosnu i Hercegovinu o prijedlozima njihov zaključaka se izjašnjavalo za svaki zaključak posebno.

*Nakon izjašnjavanja, konstatovano je da je prvi Zaključak Kluba S BiH usvojen jednoglasno (s 26 glasova „za“).*

1. Zadužuju se Vlada Kantona Sarajevo, Ministarstvo pravde i uprave Kantona Sarajevo, Ministarstvo unutrašnjih poslova Kantona Sarajevo da pripreme izmjenu Krivičnog zakona Federacije BiH kojim će propisati kao krivično djelo obijesnu vožnju u saobraćajnom prometu (obilježje i sankciju) te da upute inicijativu za izmjene zakona prema nadležnim organima.

*Nakon izjašnjavanja, konstatovano je da je drugi Zaključak Kluba S BiH usvojen jednoglasno (s 27 glasova „za“).*

2. Zadužuju se Vlada Kantona Sarajevo, Ministarstvo pravde i uprave Kantona Sarajevo, Ministarstvo unutrašnjih poslova Kantona Sarajevo da pripreme izmjene Zakona o prekršajima FBiH član 53. stav (2) te da upute inicijativu za izmjene zakona prema nadležnim organima. I to na način da se briše ograničenje za pokretanje prekršajnog postupka iz člana 53. stav (2), i propiše obavezan zahtjev za pokretanje prekršajnog postupka za prekršaje iz člana 234.a. Zakona o osnovama bezbjednosti saobraćaja na putevima u Bosni i Hercegovini, odnosno za prekršaje iz saobraćaja za koje je propisana novčana kazna veća od 300,00 KM. Zakon o prekršajima FBiH izmjena člana 105. stav (2) lišenje slobode zbog neplaćanja:  
U članu 105. stav (2) riječi: „sud može odrediti lišenje slobode do 15 dana“, zamjenjuju se riječima: „sud može odrediti lišenje slobode do 90 dana“.

*Nakon izjašnjavanja, konstatovano je da je treći Zaključak Kluba S BiH usvojen jednoglasno (s 26 glasova „za“).*

3. Zadužuju se Vlada Kantona Sarajevo, Ministarstvo pravde i uprave Kantona Sarajevo, da pripreme dopunu Zakona o izvršnom postupku Federacije BiH član 23. izvršna isprava, te da upute inicijativu za dopunu zakona prema nadležnim organima. I to na način da se izvrši dopuna člana 23. Zakona o izvršnom postupku FBiH - prekršajni nalog je izvršna isprava.

Predsjedavajući je konstatovao da je predloženi zaključak broj 4. inkorporiran u prethodne zaključke, te je Klub SBiH pristao da se o njemu ne izjašnjava, dok predloženi zaključak broj 5. nije dobio potrebnu većinu nakon pojedinačnog izjašnjavanja. (9 glasova „za“, 3 glasa „protiv“ i 15 glasova „suzdržan“).

Prijedlozi zaključaka Muamera Bandića nisu dobili potrebnu većinu glasova.

*Nadalje, nakon izjašnjavanja, predsjedavajući je konstatovao da su zaključci Ministarstva za odgoj i obrazovanje usvojeni većinom glasova ( s 19 glasova „za“, 2 glasa „protiv“ i 3 „suzdržana“ glasa), te isti glase:*

1. Prihvata se Informacija o dosadašnjim aktivnostima Ministarstva za odgoj i obrazovanje iz oblasti primarne i sekundarne prevencije neprihvatljivih oblika ponašanja, zaštite učenika i njihove dobrobiti kao i postupanja odgojno-obrazovnih ustanova u slučaju iznenadnih, kriznih situacija.
2. Zadužuje se Ministarstvo za odgoj i obrazovanje Kantona Sarajevo da kontinuirano ostvaruje saradnju sa odgojno-obrazovnim ustanovama i prati stanje sigurnosti, zaštite učenika, cjelokupne školske zajednice, kao i da nastavi pratiti potencijalne rizike koji mogu ugroziti sigurnost školskih zajednica i u skladu sa aktuelnim potrebama donosi određene mjere kao što su izmjene zakona i podzakonskih akata i inicira aktivnosti usmjerene na osiguranje najboljeg interesa učenika.
3. Osigurati nastavak multisektorskog (sektor obrazovanja, socijalne zaštite, zdravstva i sigurnosti) učešća u izradi planova brige i podrške za učenike čije se neprihvatljivo ponašanje ili rizik koji može ugroziti najbolji interes učenika prepozna, identifikuje u odgojno-obrazovnoj ustanovi.
4. Osigurati u što skorijem roku prijem stručnog kadra u službama socijalne zaštite (socijalni radnici, pedagozi i psiholozi) JU “Kantonalni centar za socijalni rad” i centrima za mentalno zdravlje (psiholozi) pri JU Dom zdravlja Kantona Sarajevo kako bi se moglo pravovremeno odgovoriti na sve situacije u kojima je ugrožen najbolji interes djeteta.
5. Radi smanjenja sigurnosnih rizika na najmanju mjeru nužno je osigurati da učenici redovno pohađaju nastavu u školama kako bi nastavnici i stručni saradnici na vrijeme mogli uočiti određene faktore rizika i reagovati na adekvatan način, osiguravajući im neophodnu odgojno-obrazovnu podršku i stručni tretman.
6. U cilju prevencije situacija u kojima može biti narušen najbolji interes djeteta nije prihvatljiva bilo kakva obustava nastavnog procesa koja podrazumijeva diskontinuitet rada profesionalaca jer direktno može doći do ugrožavanja najboljeg interesa učenika, školskih zajednica, ali i društva u cjelini.

O prijedlozima zaključaka Kluba DF-a zastupnici su se izjašnjavali o svakom pojedinačno.

*Nakon izjašnjavanja, predsjedavajući je konstatovao da je prvi Zaključak Kluba DF usvojen jednoglasno (s 25 glasova „za“), i isti glasi:*

1. Skupština Kantona Sarajevo obavezuje Vladu Kantona Sarajevo da uputi zahtjev Vijeću ministara BiH sa ciljem formiranja Komisije za sprečavanje zloupotrebe opojnih droga radi formiranja liste zabranjenih droga.

*Nakon izjašnjavanja, predsjedavajući je konstatovao da je prvi Zaključak Kluba DF usvojen jednoglasno (s 25 glasova „za“) i isti glasi:*

2. Skupština Kantona Sarajevo obavezuje MUP KS i Policijsku upravu KS da upute inicijativu telecom operaterima koji djeluju u BiH sa ciljem obaveze identifikacije prilikom kupovine prepaid kartica radi sprečavanja zloupotrebe istih u svrhu učestalih dojava o postavljenim eksplozivnim napravama u školama i slično.

*Nakon izjašnjavanja, predsjedavajući je konstatovao da je prvi Zaključak Kluba DF usvojen jednoglasno (s 26 glasova „za“), i isti glasi:*

3. Skupština Kantona Sarajevo obavezuje Vladu KS da će koordinirati aktivnosti radi obezbjeđenja sistema za hitno obavješćavanje javnosti u slučaju nestanka djece. Radi se o sistemu ‘Pronađi me’ ili ‘Amber alert’.

*Nakon izjašnjavanja, konstatovano je da je većinom glasova podržan Zaključak Kluba SDA i zastupnika Harisa Zahiragića (s 20 glasova „za“ i 2 glasa „suzdržan“), dok ostala dva zaključka nisu dobila potrebnu većinu. Usvojeni zaključak glasi:*

„Zadužuju se Ministarstvo unutrašnjih poslova Kantona Sarajevo i Uprava policije da poveća broj neuniformisanih policijskih službenika na ulicama, na manifestacijama, u ugostiteljskim objektima - posebno onima koji imaju duže radno vrijeme i u kojima se služi alkohol, u saobraćaju, u vozilima javnog gradskog prijevoza i na drugim mjestima, a sa ciljem bržeg represivnog djelovanja, ali i radi prevencije“.

*Nakon pojedinačnog glasanja, predsjedavajući je konstatovao da je Zaključak zastupnika Faruka Selmanovića i Adija Kalema usvojen većinom glasova (s 21 glas „za“ i 5 glasova „suzdržan“), i isti glasi:*

„Zadužuje se Ministarstvo unutrašnjih poslova Kantona Sarajevo da u cilju preventivnog djelovanja i kasnog sprečavanja i blagovremenog otkrivanja potencijalnih prijetnji za sigurnost građana i javni red i mir, bez odlaganja pristupi uspostavi službe “policajac pozornik”.

*Nakon izjašnjavanja, predsjedavajući je konstatovao da su Zaključci Ministarstva pravde i uprave usvojeni jednoglasno (s 23 glasa „za“), i isti glase:*

1. Osigurati efikasno i proaktivno procesuiranje krivičnih djela koja utiču na sigurnosnu situaciju u Kantonu Sarajevo.
2. Sačiniti analizu sudske kaznene politike za period od 2021. do 2023. godine, prema vrsti krivičnog djela iz Zaključka Kolegija Skupštine Kantona Sarajevo broj 01-04-244/24 od 19.03.2024. godine, u okviru Krivičnog odjeljenja Općinskog suda u Sarajevu i Krivičnog odjeljenja Kantonalnog suda u Sarajevu i istu, sa prijedlogom mjera, dostaviti Vladi Kantona Sarajevo u roku od 30 dana.

3. Jačati saradnju sa svim relevantnim institucijama, kako bi se brže i efikasnije reagovalo na kriminalne aktivnosti i pružio sveobuhvatniji pristup sigurnosti građana. Doprinos sudija i tužilaca može biti i u radu multisektoralnih komisija i koordinacionih tijela, u okviru Kantona Sarajevo i Federacije BiH, koje imaju za cilj izmjene zakona i unapređenje mehanizama borbe protiv nasilja u porodici, vršnjačkog nasilja itd.
4. Nastaviti sa dobrom praksom specijalizacije sudija i tužilaca za rad na krivičnim djelima koja se vezuju za određene oblike kriminaliteta i osigurati kontinuitet u kvalitetnoj edukaciji.
5. Educirati javnost, posebno medije o pravima i obavezama, kao i o posljedicama krivičnih djela, kako bi se kroz jačanje povjerenja prema pravosuđu smanjio broj krivičnih djela i poboljšala opća sigurnost.

Konstatujući da je iscrpljen dnevni red Druge hitne sjednice Skupštine Kantona Sarajevo, predsjedavajući je zaključio sjednicu i zahvalio se kolegicama i kolegama na radu. Također je uputio čestitke u povodu nadolazećeg praznika, Bajrama, svim pripadnicima islamske vjeroispovijesti.

\* \* \*

**Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.**

Broj: 01-04-14398/24  
08.04.2024.godine  
SARAJEVO

Zapisnik izradila:  
Lejla Kadrić

**SEKRETAR**  
**SKUPŠTINE KANTONA SARAJEVO**  
Aida Zeković

**PREDSJEDAVAJUĆI**  
**SKUPŠTINE KANTONA SARAJEVO**  
Elvedin Okerić